



Pensjonistforbundet

Pensjonistforbundet Nordbygda
V/ leiar Ivar Haukeland
Nesjane 33
5986 Hosteland

Masfjorden kommune

Austfjordvegen 2724

5981 Masfjordnes

HØYRING- PLAN FOR FRILUFTLIVET SINE FERDSLSÅRER I MASFJORDEN KOMMUNE 2022-2030.

Uttale frå Pensjonistforbundet Nordbygda:

Vi viser til høringsutkast datert 26.10.2022. Pensjonistforbundet Nordbygda set pris på at vi får vera med å gje uttale til denne. Dette er ein viktig plan for friluftsliv og folkehelsa, også for mange av våre medlemmar. Det er òg prisverdig at det i alle tre bygdelaga blir tilrettelagt turløyper med universal utforming.

Til planen har vi desse merknadane:

Vi støttar at det er sett ei begrensing på 30 pluss 30 nye turar. Likevel er dette etter kvart eit omfattande turnett som vil krevja mykje for å få til eit godt samarbeid mellom kommunen, grunneigarar og ulike frivillige lag og enkeltpersonar. Dette for å utvikla og vedlikehalda turstiane. Vi ser at kommunen både må delta med midlar årleg, og å vera behjelpeleg med å søkja midlar frå andre eksterne for å opparbeida gode og trygge turopplegg.

Mange seterbygningar i Masfjorden er i dag bra vedlikeheldne og i bruk. Vi ser likevel at det er bygningar som skulle hatt ei oppgradering før dei går til grunne. Her kunne kommunen gjerne vore behjelpeleg med å sjå om det er mogeleg å få eksterne midlar til restaurering. Om grunneigarar ikkje vil nytta seterbygningane så mykje sjølv, vil dei kunna brukast til utleige, noko som kan styrka inntektsgrunnlaget på garden. Slik vil også fleire få glede av den fine fjellnaturen vi har her i Masfjorden. Det er alltid mykje kjekkare å komma til plassar der bygningar og tun er vedlikeheldne.

Turane på noverande kart er fargesett med ulike fargekodar alt etter vanskelegheitsgrad. Vi ville sett pris på om det hadde vore med ei ca-tid på kor lang tid turen vil ta, i alle fall på dei litt lengre turane. Jamfør det vi finn i planen på side 11 og 12. Dette kunne komma fram på eit lite vedlegg til turkartet om det ikkje er plass på sjølve kartet.

Vi har òg merka oss at det manglar mange avtalar med grunneigarar. Dette ser vi på som ein viktig del for å få eit godt samarbeid og for å unngå misforståingar, særleg der det er beitande dyr. Likeeins ser vi at idrettslaga/bygdelaga får ei stor oppgåve med framtidig tilsyn og vedlikehald. Det er viktig at

